


2

75424/4217

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
SEP 25 1939



禮科右給事中臣楊天民謹

題為

嘉禮愆期致難再緩懇乞

聖明亟賜遣官以重

儲配以定群疑事在惟

皇長子選婚之禮係

國家大典

皇上慎重於數年特舉於一旦中外臣民

罔不惟欣踴躍以為

哈佛大學漢和  
圖書館珍藏印

禮科右給事中臣楊天民謹



題為

嘉禮愆期勢難再緩懇乞

聖明亟賜遣官以重

儲配以定群疑事臣惟

皇長子選婚之禮係

國家大典

皇上慎重於數年特舉於一旦中外臣民  
罔不懽欣踴躍以為

乾斷既定

巽命已申從此六禮舉行計日可觀矣不謂遣官一節復見留難該部請之不報臣科請之亦不報該部催之又不報臣科催之亦又不報向慮

皇長子清弱今氣體已克不知更復何慮邇待東八府報到今報到已久不知更復何待縱

聖意淵微或自有說然時至事舉決難再

遲臣備員該科與聞典禮不得不直

陳於

旒黻之前也夫我

祖宗緣情制禮

國典昭焉

家法垂焉載在

令甲較若畫一

皇上試觀二百年来曾見

聖嗣選婚有愈十六歲者乎今

皇長子過期二載已非舊制柰何刷選  
之舉猶事徐徐豈以

國典可輕而

家法不足守耶詩言不愆不忘率由舊  
章未有違舊章而得免於愆忘者臣  
謂今日遣官之當速為其關係於  
成憲者不可不遵也

王者之言其出如綸其渙若汗言其由  
小而大一出不反也

皇長子選婚之

命斷自

聖心出自

特旨不但布之所司抑且見之行事矣乃  
遷延數月乍行乍緩若決若疑其於  
出綸渙汗之體何如也古人謂天子  
無戲言柰何

皇上以

宣諭為戲耶臣謂今日遣官之當速為其

關係於

明旨者不可不信也婚姻人道之始孟軻氏有言男子生而願為之有家女子生而願為之有家父母之心人皆有之今

皇長子睿齡日茂豈無寤寐反側之思皇上篤愛時殷亦豈無佳兒佳婦之願胡不刻期而成一舉而定則不但可以樂觀挑夫之化抑亦可以蚤協熊夢

之祥

宗廟

社稷靈長之計宜無急於此者臣謂今日遣官之當速為其關係於聖胤者不可不重也

九重舉動萬國觀瞻少涉遲回易生疑謗今淑女待選者無慮數百家夫以一人之選而令數百家及笄之女守候歲月槩停媒妁豈能久而不生缺望

由缺望而疑慮滋由疑慮而訛言起  
一時洶洶之口至有不忍聞於臣子  
不敢言於

皇上者皆此當斷不斷有以啓之耳臣謂  
今日遣官之當速為其關係於人心  
者不可不定也大抵禮之所首重者  
惟婚婚之所首重者惟時故易以歸  
妹為天地之大義詩以及時歌文王  
之聖化當

國家典制大備之

朝值

皇上教化大行之日即

天派之裔舉得奉

明例而蚤諧伉儷雖常布之子亦得循  
禮教而蚤樂唱隨豈以

皇長子身則

神明之胄配亦

軒曜之儲顧反不獲依時而聯嘉耦哉

此臣愚益有所未解也伏乞

皇上察鉅典之不當稽體至情之不容熱

即

賜遣官亟行刷選則前而

祖制後而孫謀上而

皇綸下而輿望豈不盡萃於亨嘉之會而

為

官府一大快事哉臣無任激切祈望之至

緣係

嘉禮愆期勢難再緩懇乞

聖明亟賜遣官以重

儲配以定辟疑事理未敢僮便謹題請

旨

萬曆二十七年閏四月初八日具題





禮部二十九年閏四月十八日具  
 論頭心文得致事也未嫌對對對  
 即也與與與與與與與與與與與  
 嘉慶元年庚子年正月  
 古

禮科署科事右給事中臣楊天民謹  
 題為貪鄙銓臣被論驟遷大非政體懇  
 乞

聖明英斷

特賜顯斥以清仕路以快人心事臣惟士

君子立身行己自有法度以當是非

毀譽之交宜聽之公論若巧為彌縫

陽辯陰媚置公論而畧不聲惜是謂

無行以當用舍去留之際宜稟諸成

規若恃有憑藉轉黜為陟破成規而  
莫可誰何是謂無法臣不意清議昭  
明之日

朝政畫一之時乃有無行無法如吏部  
文選司郎中梅守峻者臣請為

皇上言之臣按守峻生平品格卑污衷情  
險譎鄉評士論具所羞稱迨營調銓  
司遂以官為市始則藉口調停公然  
曲徇請託以行營窟之謀後即借名

請託因而廣納苞苴以遂肥家之計  
問其賊寧止巨萬聽其醜喧遍長安  
罵柄笑資更僕難悉發奸招尤之說  
將誰欺乎幸而吏科左給事中程紹  
露章彈劾一時中外人心傳以為快  
然猶病其掛一漏萬不能悉諸穢狀  
俾達

聖聰也乃守峻心計轉粗狡謀百出挾哄  
堂官救云則救留云則留今且聞破

格推陞為太常寺少卿矣嗟嗟銓政  
如斯尚可謂有公道哉臣姑不指賊  
私免污齒頰惟即其被叅後蠅營狗  
苟之狀則其可羞者有四其不可解  
者有三如聞叅具辯護短誇長若面  
質亦所不懼者乃一面上疏又一面  
轉託相知謝罪於原叅之門大意謂  
蒙叅之事件件心服但不得不一辯  
者恐從此無面孔向人也幸望見原

此不可謂行濁言清色厲內荏者與  
其可羞者一刊刷疏揭遍遞縉紳非  
不似含冤負屈者之所為也乃又今  
日倩一人馬說某省臣明日倩一人  
馬說某臺臣不曰事由囑託勢不得  
已則曰情已窮迫姑容自歸惟恐其  
彈文之再至也此不可謂昏夜乞哀  
驕人白日者與其可羞者二君子正  
大光明即屋漏不愧豈忌傍觀也守

峻不知內省一味尤人明謂疏列諸  
狀具得隱微曲折非由中傳胡從外  
洩於是狐疑同官日甚一日或因而  
謗其傾陷或因而要其遊說以致一  
時僚案剖白無計奔走不遑此何等  
景象也其可羞者三君子難進易退  
即終日不俟奚遑他恤也守峻既經  
指謫移病求去是矣乃未幾商及覆  
疏則曰去則誠妥但後日誰肯起我

不若還我大叅又未幾商及大叅則  
曰外轉亦其但選郎曾無轉大叅者  
恐後將為例戀戀附羶之意必至於  
許推京堂而後已此何等行藏也其  
可羞者四臣聞該部舊規凡司官曾  
推外任者即

命或不下亦例不掌選且究竟外補守峻  
非曾以年例外推者乎胡為乎獨得  
掌選又胡為乎獨得內轉耶此一不

可解臣又聞該部舊規凡選卽優轉太常必以六選告峻為期間有以五選得者必其先掌考功曾經大計然後准減一選以酬前勞不則不爾也今守峻僅完五選耳且曾無大計之勞又胡為乎躡轉太常耶此二不可解我

朝二百年來設立臺省以糾察官邪為第一義未有謫發多職而徑不議處

者即使事涉曖昧亦未有不俟公論已明而遽得超擢者何守峻被叅猶未久也杜門猶未出也乃輒轉貳卿美秩是言官之疏本係彈章翻成薦剡使將來再有徇情鬻爵如守峻其人者言官叅之是乎不叅是乎此三不可解夫止知乞憐可以倖免卽至於可羞而不羞也將何事不可為而猶云雅志止知好官可以自為卽至

於不可解而必強為之解也將何例  
不可變而猶云銓體此推疏未上之  
前聞者且駭且疑謂堂官之無主裁  
或不至此推疏既上之後見者且嘆  
且恨謂守峻之無忌彈無復有天日  
矣豈不益增壞法徇私一左驗哉伏  
乞  
皇上深念百司清濁之機視吏部為的庶  
政公私之候以銓法為標亟宜

大奮乾剛將文選司郎中梅守峻

特賜罷斥則所為澄清吏治轉移世風豈

曰小補而大臣圓融體面似姑在所  
緩也臣不任激切跂望之至緣係貪  
鄙銓臣被論驟遷大非政體懇乞

聖明英斷

特賜顯斥以清仕路以快人心事理未敢  
擅便謹題請

旨

萬曆二十七年八月十一日具題十

三日奉

聖旨梅守峻着擬外任用吏部知道



禮科署科事右給事中臣楊天民謹  
題為



大禮

大工奉

旨相須計時難緩仰祈

欽限責成蚤襄

慶典事臣愚不肖伏蒙

聖恩任使既署掌本垣印務又鑒察

兩宮工程苟於職掌有關皆當先時議

請臣查得萬曆二十六年十一月二十七  
日該禮部接出

聖諭朕惟冊立分封東宮及諸親王此乃  
祖宗訓章大典嫡庶長幼一定自有次序  
緣因皇長子稟質清弱氣體未充况皇  
后年在妙冲又屢遭不諱大難故不得  
已遲緩少俟耳非有別意亂危家國昨  
者

大行皇妣之服已滿雖無三殿其二宮不

日落成皇長子齡已過期體已充足爾  
該部便具選妣舊儀未看其冊立并加  
冠禮少候二宮落成之日行朕又思三  
皇子五皇子六皇子七皇子俱已長成  
若再少待恐又費一番事不若亦於二  
宮完日一併加冠分封庶免煩擾內皇  
三子皇五子年歲稍長待分封之日可  
著出閣講書親近儒臣朝夕訓誨以開  
蒙塞禮部知道欽此夫



冊立冠婚與夫分封出講皆

國家鴻儀鉅典

皇上不但欲一時并舉以萃亨嘉且必俟  
二宮落成以昭盛美洋洋

睿思豈復臣下所能仰贊一籌顧臣愚三  
復

綸音一則曰

皇長子齡已過期一則曰少俟

二宮落成夫謂之已過若無容再過者豈

欲其年過一年也謂之少俟若計日  
可俟者豈欲其歲俟一歲也况淑女  
之選中既久而桃夭之芳候將臨且  
近查

累朝嘉禮無有不乘春令舉行者今距春  
令能幾何時也乃工程次第雖在垂  
成尚多未竟加以冬月寒沍強半當  
停轉盼及春時至事舉將行禮乎而  
工未完將候工乎而時不待處執兩

難當機罔措不知守禮督工諸臣將  
何術以仰副

德意矣百用是不勝私憂過計竊謂并工  
宜預講也

欵限宜蚤定也蓋天下事可難可易惟視  
人為可速可遲惟從上令臣連日詣  
各工點檢除木作石作與油漆作之  
有暖屋者雖冬寒無礙營造外至於  
泥水固難動也然未完者僅丹墀之

鋪砌耳灰漆固難行也然未完者僅  
蓋面之光漆耳五墨固難施也然未  
完者僅外簷之金碧耳誠得

皇上沛然下一

嚴旨責成內外監督儲臣凡工不宜停者  
令其上緊備造務在歲裡報竣毋留  
為春作之妨工不得不停者令其預  
辦細料亦務在歲裡悉完毋致有臨  
時之缺一當春和即倍加夫匠督者

畫地分方役者鱗集蟻赴母互有躄  
延母姑容玩愒大約限來年二三月  
之交依期完報夫以子來之衆而加  
天語之嚴其弗克告成於不日者臣不信  
也當此之時

景運芳菲

宸居清穆即遵符

聖諭所定諸禮一併舉行庶工不誤禮禮  
不違時在

皇長子

冊立早而

宗廟

社稷之本定

婚媾早而關雎麟趾之慶長在衆

皇長子封者封冠者冠出講者出講并

足以昭

玉葉金枝之盛光

祖宗之訓典酬

皇上之訃謀端有待於今日責成之一舉  
也伏乞

聖明裁斷臣不任翹延顛望之至緣係

大禮

大工奉

旨相湏計時難緩仰祈

欽限責成蚤襄

慶典事理未敢擅便謹題請

旨

萬曆二十七年十月初三日具題

禮科署科事右給事中臣楊天民謹  
題為感異憂時乞

聖明亟悟早圖計安

宗社事臣入科辦事接得陝西巡撫賈待  
問揭帖為邊鎮孤懸災兆異常懇乞  
聖明預飭文武邊臣脩省戒備以保疆場  
以弭

天變事內稱本年八月十八日狄道縣城  
東山高二百餘丈午時崩裂一半長



一里其下衝成一溝山南舊有居民  
耕地忽湧出大小山五坐約高二十  
餘丈又拘問土民稱未崩之先每夜  
山下火光四出其內有聲如雷稍稍  
又聞有鼓樂之音如此者十數夜遂  
有此變又謂虜情叵測乞要

天語申飭遣臣以保疆場以弭

天變等因臣讀之不勝驚駭夫西陸殺降  
邀功無端啓釁以致醜虜忿叛誓死

報讐已入犯者殺掠甚慘未入犯者  
窺伺有待欺蔽成習而

主不獲聞毒痛干和而

天為示警理或有然而臣猶不敢謂其盡  
在是也蓋帝王不拔之業取象山河  
而傾頽不振之徵每形崩裂至平地  
五山湧出尤罕見聞查惟唐之垂拱  
年間有山出於新豐而唐易為周孰  
謂陵谷變遷僅僅應在一隅也乎臣

竊觀時事堂簾睽隔而泰交已非忠  
佞溷淆而

國是弗定紀綱法度日見廢弛兵馬錢  
糧動稱凋耗事事咄咄皆有旁落倒  
持之象而其釀禍最深召亂甚速則  
無如目前礦稅二事也傳不云乎財  
聚民散書不云乎嗇我則讐民亦何  
常懷之有哉乃今虎狼之使橫噬難  
堪狗鼠之徒爭攫無厭不但無市而

徵稅無洞而包礦且毀人田廬掘人  
墳墓借事藉沒者有之平空搶奪者  
有之擅威誅戮者有之叅守令則守  
令逮叅撫按則撫按逐勢薰焰灼漸  
漸并官府化為鬚鬮於是才不司  
有助嗇交權因而自潤其囊橐者無  
耻監司有甘心左袒因而仰借其吹  
噓者以此嗷嗷之衆益無所依賴益  
無所控訴戴目而視傾耳而聽人人

懷幸災樂禍之心處處有土崩瓦解  
之勢脫今不亟與更始臣恐水火之  
民有掉臂而去亦將如山之分崩而  
不可收拾也草澤之雄且揭竿而起  
亦將如山之突出而不可削平也皆  
不可知之數也况引伸觸類如君之  
與臣男之與女君子之與小人中國  
之與夷狄皆有陰陽一定之分上下  
不易之位由今山高驟卑地卑驟高

者推測於人事明屬陰欲乘陽下將  
陵上兆苟不虛將何事不可煩

宵旰也且今一歲之中雷火未已而水  
旱繼之水旱未已而蝗蝻繼之近都  
市喧傳謂太白經天者復屢屢矣不  
意秦山又見告也豈非務財用善小  
人災害並至之明驗哉詩曰敬天之  
怒無敢戲豫昭君鑒也又曰天之方  
蹶無然泄泄垂臣戒也今日之計



皇上誠不宜以戲豫負

天臣安敢以泄泄負

主用是不避忌諱而且效其無隱之義如

此伏乞

皇上俯察臣愚上謹

天戒亟下

明詔首罷礦稅其庶政之因循者一併振

刷脩舉庶民心可定姦宄不生

祖宗二百年

金甌之業永永有磐石之固矣臣不勝

隕越籲祈之至緣係感異憂時乞

聖明亟悟早圖計安

宗社事理未敢擅便謹題請

旨

萬曆二十七年十月初六日具題

禮科署科事右給事中臣楊天民謹  
題為西陲殺款邀功召禍最慘朋欺太  
甚仰乞

聖明亟行嚴勘

特賜議處以謝生靈以重邊計事臣聞禍  
莫大於殺降罪莫重於欺君廷鎮之  
於套虜自二月擣巢暨七月入犯其  
間殺降欺

君之狀中外臣民人人皆知之人人能道

之所不得聞者獨

陛下耳臣又擬糾發然猶謂地方有按臣  
在必能勘實以

聞乃頃聞邸報見巡按御史吳楷一本為  
虜情事內稱訪得虜衆大舉入犯攻  
圍堡寨殺傷軍民掠搶人畜兩旬不  
為不久聲聞不為不遠各該道將意  
在隱蔽牌催數次通不報臣等因噫  
邊事若此尚可謂有天日哉臣職叨

耳目敢不據所聞為

皇上言之謹按延綏巡撫王見賓總兵趙  
夢麟總督尚書李文皆西陲共事之  
臣非本年正月間為套虜會議題款  
得

肯下部者乎據疏稱卜莊等首畏威悔禍  
俛首乞哀貢馬已收罰馬亦進鑽刀  
說誓屈伏異常以此觀之其求款何  
如切者彼松山又掃有何關情肯因

此而遷背約乎又聞各酋自去歲十一月進馬後該鎮即與撫賞且於各邊口互開小市交易兩月葦夷一家從此臨邊皆虜帳矣以此觀之其信歟何如深者脫有心西擾能不遠遯敢處此而自待死乎止因總兵趙夢麟見邊外夷帳星羅夷情貼伏輒謂奇貨可居遂以掩取之謀動督撫而見賓也汶也乃亦不勝其邀功之念

於是西行擾工之名平空而起闔鎮擣巢之舉暗地而來矣聞此時虜見官兵猶以為樵採相戲及臨帳開刀惟束手就斃其誅夷之易真不啻割几上肉探囊中物者所以雖操防小堡人人皆獲首功焉甚且殺諸館驛者亦九十餘名殺諸市場者復八十餘級乃駕言堵截大戰豈不欺天罔人之甚夢麟自知名義不正耳目難

欺遂因而大行科歛每茶遊營派銀  
三百兩每守備營派銀二百兩每操  
防營派銀一百兩共得銀六千半賄  
委勘官員半餽長安權要希圖內外  
雷同共為掩飾又將首級以十分為  
率內抽三分賣與買功之人每級得  
價五十兩文武三衙門均分訖其七  
分在軍者夢麟又每級逼抽銀二十  
兩及見窮軍出辦不前幾至激變而

當事者又代為調停先以市貨給軍  
三十兩約候賞功之銀到日全扣還  
官是二十兩依舊歸帥府矣其剝削  
無厭又如此至所獲夷畜盡掠入已  
復散各營變價數萬又其甚小者也  
以此軍士共誓再有殺虜者如殺其  
父兄而心灰體解矣自是虜懷必報  
之忿軍有疾視之心四月以後常有  
零虜竊掠而各堡惟閉門自保當事

者亦不敢一問良有以也迨七月大  
舉入犯又有此來專殺將官之說夢  
麟魂搖膽落歛兵嬰城竟不敢以一  
矢相加任虜蹂躪任虜焚燒任虜殺  
掠任虜搬運兩旬之久葭州神木一  
帶堡寨悉被殘破甯燻男婦以千計  
屠戮老幼以萬計其少壯群驅而去  
者至不可以數計他如田禾一曬而  
平貨物一掃而空又不足道者如此

景象見者傷心聞者酸鼻而督撫諸  
臣獨閉目掩耳寂然不一奏報固知  
良心已死獨不念有  
國法乎且混扯東虜西助以為嫁禍之  
謀又捏報兩船破敵以為掩敗之計  
即以巡按御史奉

勅專勘功罪業有別聞猶屢催不報其公  
然隱匿又從來所未有者上而侮誑  
朝廷下而藐玩憲紀臣不知督撫鎮道果

何所恃而敢於無忌憚至此矣嗟嗟  
軍國大計首重安攘况今日之虜款  
戰相半其觀望向背之機尤為喫緊  
使

中國威信允孚無論已款者向化益堅  
即未款者皆叩關恐後苟威信一乖  
無論方款者構忿相讐即久款者亦  
蓄疑成二今如延鎮所為明是約自  
我敗釁自我開豈但卜酋之禍方未

未已且恐順義之心將謂

中國之信為不足憑兔死狐悲亦情所  
必至聞夏間撤回擺邊達子謀欲北  
徙是其兆也失今不蚤為區處竊慮  
諸邊雲擾之患莫知所終而

九重西顧之憂從茲伊始豈不大可寒心  
也哉夫殺降啓釁前之一大罪案也  
敢欺

上而報以奇功失事殃民後之一大罪案

也復欺

上而掩其重罪前之欺售而後之欺愈堅  
後之罪寬而前之功立叙該督撫鎮  
道之計誠巧且神矣彼固自恃錢可  
使鬼術可鑽天謂省臺耳目為可塗  
謂

朝廷聰明為可蔽錦衣可廕蟒王可腰笑  
罵由人崢嶸自我竊恐橫亡厲氣必  
禍其家

九廟有靈亦必軫念無辜之蒼生而羞  
宣告之虛節肯令此輩紛紛得計哉伏乞  
勅下該部院責成巡按御史密訪嚴核毋  
以勢重而甘為扶同母以罪大而曲  
為姑息母專憑造報採紙上之虛文  
母任聽延捱成署中之高閣秉公執  
法從實叅

聞更願

宸嚴特加重處以昭邊臣連年欺罔之戒



是今日安攘之至計也臣忠憤所激  
不勝懇切企望之至緣係西陲殺款  
邀功召禍最慘朋欺太甚仰乞

聖明亟行嚴勘

特賜議處以謝生靈以重邊計事理未敢  
擅便謹題請

旨

萬曆二十七年十一月初九日具題

禮科署科事右給事中臣楊天民謹  
題為邊臣大肆奸欺糾摘事事有據懇  
祈

聖斷俯檢原疏蚤

賜批發以明公道以服人心事臣於本月  
初九日申時具有題本

進呈為西陲殺款邀功召禍最慘朋欺  
太甚仰乞

聖明亟行嚴勘

持賜議處以謝生靈以重邊計事內參延  
綏督撫鎮道王見賓等敘降啓釁失  
事殃民欺罔鑽蔽種種異常等情候  
旨七日未蒙  
批發臣竊思之邊疆失機重事也督撫欺  
罔重情也  
朝廷之上恨壅蔽不得聞安有既聞而  
付之不問者安有欲問而顧肯遲遲  
者且往時

留中諸疏或上千

乘輿或內涉

宮闈事各有因人猶易曉今如臣疏乃朝  
臣明知之事邊氓切齒之奸有何忌  
諱亦復見格果曾經

御覽乎抑未經

御覽乎果

聖心別有所察而徐行之乎抑  
聖心偶有所為而姑置之乎外庭之疑誠

不可解惟是延鎮諸臣自四月擣巢  
之後無一日不為掩飾謀亦無一日  
不為賄賂計臣原疏謂此輩錢可使  
鬼術可鑽天要非漫語然亦不虞其  
遽至此也嗟嗟自

皇上靜攝以來

宮府九閣堂簾萬里

神謀睿斷猶不遂至旁落者獨賴有此章  
疏一線路耳若并此一線斷絕切恐

臣下之忠謹無由上通

主上之聰明無由下濟太阿之柄立見倒  
持將來如南詔之喪師亦有不得聞  
者矣此其有係於臣工觀望

社稷安危之機尤非細故也伏乞

皇上防微慮遠將臣原題參疏

俯檢亟發仍將督撫鎮道等官先行革任

聽勘蓋彼輩扶同欺罔業已打成一  
家虎踞鼠鑽牢不可破舊按臣屢問

屢催且不以一字報新按臣所委之  
道屬所寄之耳目皆彼平日術籠威  
赫願指氣使之入何由直發其奸機  
而顯定其罪案耶伏惟

皇上宿神生靈幸甚臣愚幸甚緣係邊臣  
大肆奸欺糾摘事事有據懇乞

聖斷俯檢原疏蚤

賜批發以明公道以服人心事理未敢擅  
便謹題請

旨

萬曆二十七年十一月十六日具題

十八日奉

聖旨章疏朕日親覽誰敢壅格這事關邊  
機原本留覽就着該科送揭到兵部覆  
議來說



北上而

西華而

兩宮而

三幾并今尚寶印綬諸處允五見矣

上天示警不為不頻即側身承之猶懼日

晚乃依然泄泄從事在

皇上不聞脩省之言在臣下僅進

慰安之疏此寧直諱災且忘其所謂為災

矣得非以數值適然無預

朝廷闕失耶臣固不明占驗之術但迭

稽往牒博採群言有謂君不思道則

火者

皇上十年靜攝

官府太隔

朝講久虛大臣之

召對不聞言官之匡救不入珠玉為寶貂

璫漸親長告誥之風開投獻之路

皇上試以此觀好尚道耶非道耶則

天意可知也有謂國有失禮則火者今

郊

廟重典久不躬親

遣代雖殷誰對誰格至於

皇長子

冊立冠婚時無可待况

聖斷久定何復遲疑乃舉朝公請之章未

即

批聽甚非所以重主鬯也

皇上試以此觀典禮失耶不失耶則

天意可知也有謂官非其人則火者夫建

官雖多閣臣為重平章國事身係安

危人不肖則辱官員不備則曠職乃

今端揆尸素笑罵自甘推請已煩爰

立未決政本重地覆餗亦足虞矣

皇上試以此觀相道得人耶不得人耶則

天意可知也有謂正士道消則火者夫

國家設立臺省原藉補闕觸邪然必

上有容直旌諫之禮而後下有批鱗折檻  
之忠乃頻年遭貶削而去者

賜環無期應弓旌而未者守株踰歲摧折  
若此垂首灰心

皇上試以此觀士氣消耶不消耶則

天意可知也有謂民傷未瘳則火者今開

礦未已繼以抽稅山川破碎閭巷驚

騷

朝廷所得幾何群小剝奪日甚傾家噴

命控訴無門積怨成離積離成叛恐

捐竿斬木之變勢不在遠

皇上試以此觀民情傷耶不傷耶則

天意可知也有謂茂棄法律則火者蓋法

貴持平非以飾怒在昔匹夫抱憤尚

干天和邇來或以事外逮人或以律

外決罪法官情同首鼠寃氣積於囹

圜且有逮而未訊者辯而未釋者螻

蟻有命草菅何堪



皇上試以此觀法律棄耶不棄耶則  
天意可知也况降災之地尤可繹思蓋司  
曰尚寶監曰印綬非  
皇上所縮握以示信於天下者乎年來  
天戒孔昭不一而足  
皇上當對火拜禱之時曾下罪已之  
詔採時政之宜明許與天下更始矣乃煨  
燼既除闕失如故其於信何在也今  
日之災

天意若曰人若不以信為寶亦安用此藏  
信之所為也夫災與事既相應地與  
災又相符天人相與之際豈不可畏  
皇上安得視為適然之數不一動念執董  
子有言尚不知變傷敗乃至今火災  
由小而大由大而小惓惓不已固愛  
而留之之徵也亦怒而去之之徵也  
回怒重怒事在今日伏望

聖明垂察

特勅文武百官共加脩省應行實事條議

以

聞先乞

採納臣言

首端好尚以肅感格之原

蚤舉典禮以答神人之望重政本之選廣

耳目之司罷曠稅之騷清羅織之獄

如此則幽明昏暢朝野均懽將太和

在宇宙間而

陛下也方稱

壽觴又行

吉典庶

聖祚萬年之無斁此蓋

國家極盛極樂之吉則亦何憚而不為

也伏乞

及期斷示臣等不勝顛望祈禱之至緣

係

大禮又待

綸音懇乞

聖慈速示定期以信

旨 詔令以慰群情事理未敢擅便謹題請

萬曆二十八年八月二十日具題

留中



禮科等科署科事右給事中等官臣

楊天民等謹

題為

大禮父蒙

聖斷春令屆期仰祈之意不即奉陳公  
蚤賜諭行以便欽遵事恭惟

皇上

道重彛倫

謀周啓佑如

皇長子

冊立冠婚諸禮崇文荷

英斲矣近且屢勤

聖諭不曰典禮在邇則曰喜事臨近惓惓  
注念真有時如不及之意乃頃於舉朝公  
請偶一

留中而禮曹再疏亦未蒙

批發臣等展轉思惟莫知所謂豈以業有  
成斲臨期自可隨傳隨舉始終無庸臣下

奏

請耶果爾則臣等不能無說蓋禮時為大  
事豫則立嘗味春官養德之言桃夭  
宜家之詠則知

冊儲

冊妃必當在春令舉行茲獻歲將臨正惟  
其候况淑媛入選婚禮決難愆期而  
名號相因

儲禮尤當先舉且并欲加冠

嘉祥輻輳稍或遲延豈不耽誤至於所  
需冠服儀物之類既非一局一監之  
司亦非一朝一夕之力昨歲雖經該  
部題行造辦然因未奉成期率多觀  
望此時即申命行事尚恐難齊况不  
戒視成其能卒辦乎夫上有不可違  
之天時下有不宜緩之人事前有不  
敢悖之

明綸後有不容違之典禮臣子荷

國厚恩敢於此

宗廟

社稷之計其蹈違誤而不為懇

請哉伏祈

皇上俞納

亟勅該部擇吉具儀及時并舉庶於

大典有光於

大信無爽而

國家億萬載靈長之祚培之永永矣臣

等職掌所關不勝惓切候

命之至緣係

大禮義蒙

聖斷春令屆期仰祈

蚤賜諭行以便欽遵事理未敢擅便謹題

請

旨

萬曆二十七年十二月初七日具題



禮科等衙門右給事中等官臣楊天民  
等謹

題為摘議巡青要務以舒民財以仰裨

國計萬一事臣各准奉本衙門關劄接

管巡青除各遵行外案查嘉靖四十

四年該刑科等衙門給事中等官張

憲臣等題前事該戶部覆議在外各

馬房獸畜及擠乳馬擠乳牛駝驢牛

羊等畜糜費不貲歲終巡青科道會

同本部監督主事查驗臚壯者存留  
其餘應揀退變易者另行議處出巡  
事畢覈實造冊

奏繳青冊送部查考等因題奉

世宗皇帝聖旨是這馬匹着該監務據實  
數開派錢糧一應宿弊盡行查革揭帖  
不必進欵此又查得萬曆五年該兵科  
等衙門給事中等官劉諧等題戶部  
覆內一欵重掌貼以勵勤能大要謂

巡青科道官出巡查驗分別舉治等因  
題奉

聖旨依擬行欵此欵遵通行在卷隨該臣  
等於本年十二月初九日會同戶部  
山西等清吏司主事楊材等前往壩  
大等二十四馬牛羊房等處將見在  
駝馬驢騾牛羊等畜逐一查驗得臚  
壯馬五百六十一匹駝八隻騾三頭  
驢七百五十九頭牛一百九十八隻

諫頭 一卷  
馬駒八十六匹羊并羔共二百七十  
五隻瘦損馬八十一匹馬駒一匹駝  
五隻驢六十七頭牛五十一隻瘦損  
羊二十隻除將臆壯者責付各房用  
心餽養其瘦損者執役軍人分別朴  
責聽戶部議覆外臣等竊惟

天閑之費亦甚不貲矣內除供乳供羔  
者雖多冒濫之情猶有萬一之用姑  
不具論外至於馬驢等畜使用之果

有需於養也或養之真可備乎用也  
即費亦安足計乎乃今臣等按籍查  
驗其瘦損者僅存皮骨即肥壯者亦  
甚公膺私家役使者十九臨點雇覓  
者強半此無論芻養積歲曾未效有  
奔走之勞即謂備用一朝亦豈能勝  
乎馳驅之任昔奉差諸臣題

准揀退變易分別參治良有以也柰何通  
年積弊牢不可破無一歲不阻格無



一歲不疲羸無一歲不條陳無一歲  
不沮格固知城狐社鼠掣肘為常第  
茲何時也

國值空虛

皇上業以計處責司農矣民遭饑饉

皇上業以救濟責撫按矣誠取此無益之  
費或存其價於

帑藏或蠲其賦於閭閻則積一分得一  
分之用寬一分廣一分之賜其視用

之若泥沙委之填溝壑者不較為得  
計乎哉是惟候

聖斷之何如也至於掌貼等官職司典守  
雖責有攸歸然弊襲於從來權分於  
多制不但法有難盡抑且情有可原  
况今歲瘦損無多似應免究大抵政  
有弊竇然後人有弊端今日欲為牧  
務更弦改轍計臣等竊謂與其議人  
無寧議政伏乞

勅下戶部將壩大二十四馬房事體悉心  
酌議是否有裨實用應否另為變通  
從長覆

請施行未必於

國計民生無小補也臣等不勝惓惓待  
命之至緣係摘議巡青要務以舒民則以  
仰裨

國計萬一事理未敢擅便謹題請

旨

萬曆一十七年十二月十五日具題

禮科等衙門右給事中等官臣楊天民  
等謹

題為循例舉劾有司以昭勸懲以仰裨  
國計事臣等各准奉本衙門關劄接管  
巡青所有山東河南并直隸順天等  
七府子粒草料錢糧例應歲終查核  
分別舉刺夫臣之差僅錢穀之司也  
而臣之官則耳目之任也司錢穀自  
當為

國用計安得不據盈縮為殿最任耳目  
并當為激揚計又安得不酌賢否為  
品題用是臣等參考於二者之間查  
得歷俸近一年以上錢糧全完賢能  
茂著者在北直隸則祁州知州黃道  
亨通州知州高位開州知州臺存道  
冀州知州楊嘉猷昌平州知州田廓  
定州知州張鎔景州知州馬朴薊州  
知州單自新霸州知州許從坤易州

知州孫大祚定興縣知縣李瑾文安  
縣知縣岳儲精真定縣知縣徐天寵  
獲鹿縣知縣景昉濬縣知縣張其忠  
唐縣知縣楊一桂大城縣知縣任彥  
棗獻縣知縣徐鏗博野縣知縣李廷  
訓清苑縣知縣張五典邢臺縣知縣  
劉九光遵化縣知縣張舜命寧津縣  
知縣侯執蒲滑縣知縣趙士吉固安  
縣知縣官箴永年縣知縣耿鳴雷東

明縣知縣丘雲肇密雲縣知縣王之  
都任丘縣知縣錢允燦邯鄲縣知縣  
孟三遷魏縣知縣王道一元氏縣知  
縣鄭三俊長垣縣知縣張文炫廣平  
縣知縣徐一驥大名縣知縣高出南  
宮縣知縣程希道靈壽縣知縣聶世  
潤新安縣知縣畢如松良鄉縣知縣  
錢一鶚肥鄉縣知縣曹司宰新城縣  
知縣張聯芳任縣知縣徐璘無極縣

知縣倪天秩隆平縣知縣楊學詩房  
山縣知縣左之龍靜海縣知縣戴大  
槐順義縣知縣劉伯綬慶雲縣知縣  
周棟保定縣知縣張四聰贊皇縣知  
縣李橘安肅縣知縣馬應賓棗強縣  
知縣李夢熊沙河縣知縣史與祿饒  
陽縣知縣翟耀唐山縣知縣李本盛  
新樂縣知縣趙璿高邑縣知縣金四  
科南皮縣知縣李正華平鄉縣知縣

陸應鍾行唐縣知縣馬巽衢在山東  
則德州知州陸敏捷膠州知州汪兆  
龍寧海州知州姚宗道高唐州知州  
楊震雷東平州知州劉子唯平度州  
知州王汝濂濮州知州陳文郁鄒縣  
知縣王一禎諸城縣知縣顏悅道滋  
陽縣知縣楊明盛曹縣知縣成伯龍  
壽光縣知縣高邦佐寧陽縣知縣李  
沐民東阿縣知縣張光紀金鄉縣知

霑化縣知縣馮世臣郟城縣知縣王  
惟聰棲霞縣知縣張雲霽在河南則  
磁州知州顧頤光州知州劉一煜署  
裕州事南陽府同知井濟博許州知  
州洪啓采鄭州知州俞喬安陽縣知  
縣朱冠杞縣知縣潘文嵩縣知縣李  
倖蘭陽縣知縣劉亮采長葛縣知縣  
朱與翹河內縣知縣袁應泰通許縣  
知縣張應昌濟源縣知縣史記言中

手縣知縣歐學啓寧陵縣知縣車從  
衡偃師縣知縣黃元勳確山縣知縣  
郭佳鎮商丘縣知縣劉育宜陽縣知  
縣何其智洧川縣知縣杜縻永寧縣  
知縣姚鈇新蔡縣知縣王一魁息縣  
知縣李如松商水縣知縣趙尚忠尉  
氏縣知縣阮上卿扶溝縣知縣戴天  
德延津縣知縣劉元會西華縣知縣  
胡璉郟城縣知縣張仕周伊陽縣知

縣范垠臨潁縣知縣羅文俊林縣知  
縣孫夢桂孟津縣知縣周南湯陰縣  
知縣孫許葉縣知縣馮日望溫縣知  
縣袁賦才陳留縣萬邦俊考城縣知  
縣王世熙涉縣知縣李天柱柘城縣  
知縣王希龍脩武縣知縣越應捷鞏  
縣知縣馮運隆鎮平縣知縣李幼勳  
遂平縣知縣葉維龍內鄉縣知縣尚  
從試以上諸臣品皆金玉政各鳳麟

埋邑如理家勸課靡遺乎地利足民  
而足國輸將有裨於

天閑窺豹豈止一斑展驥素推千里明  
時卓異漢世循良均當薦揚以備行  
取擢用之選者也又查得未完八分  
以上武清縣知縣潘大復鄒平縣知  
縣王紹徽汲縣知縣王良佐未完六  
分以上寶坻縣知縣李如檜以上諸  
臣政本廉勤地遭荒歉仰承

明旨方躬拮据以挽流離敢無追乎忍效  
繭絲而驅溝壑縱有虧乎賦額實無  
損於官評似應免罰以責續完者也  
又查得未完十分除昨城縣知縣雷  
雲衢病故獲嘉縣知縣馮元吉改教  
虞城縣知縣張志芳轉魯山縣知縣  
羅文寶丁憂外如臨邑縣知縣喬應  
節并未完六分以上玉田縣知縣周  
璧未完四分以上平陰縣知縣徐州



牧榮澤縣知縣蔣成材新鄉縣知縣  
党曾三以上諸臣本玩愒之心敷因  
循之治阜安無術未聞撫字心勞逋  
負多端徒見催科政拙持籌有愧曠  
職何辭所當分別罰治以警怠玩者  
也再照青差薦數原無定額然臣等  
頗浮於常之故實非因無限額而有  
溢數也良為今年三省錢糧在在全  
完較之往歲不無徑庭且據各司府

所報諸有司賢能狀率多應薦臣等  
安得自為拘拘而使其有遺賢之嘆  
也哉伏乞

勅下戶部查臣等舉刺如果不謬酌議覆  
請將黃道亨等轉行吏部紀錄潘大復等  
免罰喬應節等分別罰治庶勸戒攸  
昭其於官箴牧政未必無小補矣緣  
係循例舉劾有司以昭勸懲以仰裨  
國計事理未敢擅便謹題請

旨

萬曆二十七年十二月二十五日具題

臣等謹將所請各款開列於左

一、請將所請各款開列於左

一、請將所請各款開列於左

一、請將所請各款開列於左


一、請將所請各款開列於左

一、請將所請各款開列於左

一、請將所請各款開列於左

一、請將所請各款開列於左





Vertical text on the right page, likely bleed-through from the reverse side. The text is faint and appears to be in Chinese characters, possibly a date or a page number.

